

պատրաստել էր, նոյնիսկ կոմունիստներ անգամ նշանակել էր և մեր երկիրը պիտի գար»։\*)

Այս վաւերագրերը կասկած չեն թողնում, որ բոլշևիկները և թիւրքերի միջև գոյութիւն ունէր շատ սերտ բարեկամութիւն և գործակցութիւն: 1920թ. ամառը Մոսկւա էր գտնուում Անգորայի մի մեծ պատուիրակութիւն՝ Բէքիր Սամիի գլխաւորութեամբ: Բագուի «Կոմունիստ»-ը յուլիս 20-ին հաղորդում էր Արմաւիրից, թէ Մոսկւա անցաւ թիւրքական մի պատուիրակութիւն Բէքիր Սամիի բէյի նախագահութեամբ: Պատուիրակութեան ասելով թիւրքիայում մեծ յաջողութիւն ունի կոմունիստական շարժումը: Բէքիր Սամիի բէյը յայտնել է, որ իբեհք գնում են Մոսկւա ներքոյգ Քնտերնասիոնայի երկրորդ համագումարին մասնակցելու և խորհրդային իշխանութեան հետ կապեր հաստատելու նպատակով:

Միւս կողմից, Բագուն գտնուում էր քեմալականների գործնական աշխատանքի կենտրոն: Յուլիս 20-ին Մոսկւայից Բագու վերադարձաւ Պալիլ փաշան և մեծ հանդիսաւորութեամբ ընդունւեց խորհրդային իշխանութեան կողմից: Նա անմիջապէս ձեռնարկեց «խլամական բանակի» կազմակերպութեան: Այդ բանակի կենտրոն նշանակւեց Ղուսար ավանը, ուր տեղի էր ունենում կամաւորների արձանագրութիւնը, մարզանքն ու կազմակերպումը: Խորհրդային իշխանութիւնը ավակցում էր Պալիլ փաշային. հոգում էր բանակի ծախսը, հազուստը, գէնքն ու ռազմամթերքը և այլն: Բանակի սպայակոյտի պետը խորհրդային գլխաւոր սպայակոյտի մի սպայ էր: Ռուսաստանի դանազան կողմերից՝ Ղրիմից, Կադանից, Աւֆայից, Թուրքեստանից խումբ-խումբ ուղարկւում էին մահմետական երիտասարդներ և մտցւում բանակը: Պալիլ փաշայի տրամադրութեան տակ էին և Սիբիրից վերադարձող թիւրք գերիները, կարգապահութիւնը «խլամ բանակում» շատ դաժան էր: Զօրամասերը պատրաստուում էին արագութեամբ, այդ բանակով Պալիլ փաշան, Ղարաբաղի ու Զանգեզուրի վրայով, պիտի անցնէր Թիւրքիա:

Այսպէս, մինչ ադրբէյանցիներն ու թիւրքերը բացայայտ կերպով դաւեր էին լարում Հայաստանի դէմ, կոմունիստները, մանաւանդ հայ կոմունիստները, անսանձ ու մոլեգին պայքար էին մղում նոյն Հայաստանի դէմ: Անհաշիւ են և անորակելի այդ դաւերը: Բոլշևիկները անվերջ գրում ու խօսում էին Հայաստանում տիրող «սպիտակ տեռորի» մասին, տարածում էին շինծու և գրգռիչ տեղեկութիւններ, Հայաստանը ներկայացնում էին իբրև մի երկիր, ուր դահիճներն են թաղաւորում, ուր ամէն օր կոմունիստների զանգաւածային սպանութիւններ են կատարւում:

Ադրբէյանի խորհուրդների պաշտօնաթերթ «Կոմունիստ»-ի մայիս 20-ի համարում կարդում ենք Հայաստանից Աղստաֆա հասած բոլշևիկեան մի պատուիրակութեան գիմումը 11րդ բանակին:

\*) Ամատուրի Գործակալութեան հեռագիրը «Մարմար», 1926թ., փետր. 3.